

SOINU AZTERKETAREN BIGARREN FASEA

Udalak Zikuñagako Papelerako soinuak jaisteko neurriak hartuko ditu

■ Azterketak dio Papelerak iaz baino soinu haundiagoa ateratzen duela eta legeak jarritako neurritik gora dabilela ■ Soinu horrek Osiñaga eta Zikuñagako gain, Atzietako bizilagunak ere kejavu arazi ditu.


UDALAK soinu azterketaren bigarren fasearen emaitzak aurkeztu berri ditu eta bi ondorio nagusi ikusten dira: 1) Zikuñagako Papelerak iaz baino ere soinu haundiagoa ateratzen du eta kejavu Atzietako bizilagunenganaino iritsi dira. 2) Floridan AMR enpresak, Epelen Atofinak eta beste zenbait enpresak iaz baino soinu txikiagoa ateratzen dute, horretarako hartutako neurriek esker.

Udala kezkatuta dago papelerak sortzen duen soinu kontaminazioa konpontzeko bidean ez egoteaz gain, oke-rera dijoalako eta neurriak hartzea erabaki du. Iñaki Arratibelek zuzentzen duen Ingurugiro Batzordeak udal teknikariari plan bat egiteko agindu dio neurritz kanpoko soinu horiek jaisteko. Itxura denez, Papelerak produkzioa haunditu izana eta motorrak kanpoan egotea izan liteke soinu horiek sortzeko arrazoi-etako bat. Soinu horrek Osiñaga, Zikuñaga eta Atzietako jendearen kejavu ugari ditu.

Udalak agindutako azterketak jasotzen duenez, Jaurlaritzak ez dio enpresari inongo inpaktu azterketarik eskatu izan azken urteotan, eta orain enpresak azterketa oso bat eskatua du egoera ikusi eta konponbiderako proposamenak bilatzeko. Azterketa horren emaitzak urtarilerako espero dituzte.

Trafiko soinua

Hernanin kontaminazio akustikoa sortzen duen beste elementu garrantzitsua trafikoa da. Lehenengo fasean Zin-



Zikuñagako papeleraren motorrak estaltzea da Udalaren proposamenetako bat soinua jeisteko.

ZENBAIT ENPRESETAN HOBETU

Soinu azterketaren bigarren faseak erakusten du zenbait enprestatu soinua jaitsi egin dela eta legearen neurri beretsuan dabilela.

koenean eta Urumea Ikastola ondoko kruzean neurtu zen soinua. Orain beste bi trafiko gune neurtu dira: Oialume eta Mandazubi arteko bariantea, eta Latsunbeko sarrera. Bai batean eta bai bestean, soinuaren neurria legeak diona baino haundiagoa da. Latsun-

TRAFIKOAREN SOINUA IXILTZEKO NEURRIAK

Trafikoak ere legeak onartzen duen neurrik gorako soinua sortzen du zenbait puntutan eta Udalak neurri batzuk hartzeko asmoa du.

beko bidea inguru erresidentziala da eta egunez 60 dezibelio arteko soinua da neurri egokia eta estudioak 68 db-ko batez bestekoa atera du. Baina ordu puntutan ia 90 db-raino iritsi da. Legeak 60 dbtik aurrera inguru kontaminatua kontsideratzen du, eta 74tik

IÑAKI ARRATIBEL HIRIGINTZA

“Gure helburua da ez bakarrik soinu azterketak egitea, baizik eta neurriak hartzea soinu horiek gutxitu edo jendearenganako eragina jaisteko”

aurrera oso kontaminatua.

Trafikoak sortutako soinuei dagokionez, Iñaki Arratibelek Kronikari adierazi dio Udalak trafikoaren gaia puntuz puntu aztertuko duela, eta leku eta arazo bakoitzaren-tzako soluzio propio bat proposatuko duela. □

Juan Maria Uriarte Donostiako Gotzaiak gaur hasiko du bisita pastorala Hernanin

JUAN Maria Uriarte Gotzaiak bisita pastorala egingo du Hernanin, herria eta bertako kristau elkarte gertutik ezagutzeko. Uriartek bihar arratsaldean hasiko du bisita eta aurreneko lana herriko gaixorik zaharrenak bisitatzea izango du. Ondoren, Famili Santuaren Misiolariekin bilduko da eta gero, herrian barrena ibiliko da Hernanin ezagutzeko. Gotzaiak ostegunetik igandera izango da Hernanin eta bilera eta bisitez gain, meza ere emango du hiru parroketan larunbat eta igandean. Gotzaiak bisita pertsonalak ere hartuko ditu larunbat eguerdian. Interesatuak 943-556884 telefonora deitu. □

Eziagon bi enpresa berri jartzeko eskaria gaur, Hirigintzako Batzorde berezian

HIRIGINTZA batzordeak bilera berezia egingo du gaur eta 11 puntuko gai ordena izango du mahai gainean. Horiartako bi SEUR S.A eta TUPOPAK S.A enpresak Eziagon poligonoan beren aktibitateak martxan jartzeko eskaria dira. SEUR S.A. ren lana aluminio fundizioa da eta TUBOPAK kartoizko tuboak egiten ditu.

Tabernak Akerregi eta Harineran
Gaurko Hirigintza Batzordeak Akerregi eta Remy-Harineran bi taberna-jatetxe jartzeko kontsulta aztertuko du eta horrekin batera beste taberna-jatetxe-diskoteka bat jartzekoa. Arratibelen hitzetan, tabernak jartzeko aukera badago, baina, oraingo legeak ez du beste diskotekarik jartzen uzten.

Bestalde, Oraunek 400 metro inguru utziko dizkio lokaletan Udalar Montesin.

Gaurko Hirigintza Batzordeko gainerako puntuak tramite kontuak dira. □



**OIALUME ZAR
SAGARDOTEGIA**

Astewartetik
larunbatera
zabalik.

OIALUME AUZOÀ
943 55 29 38
943 33 21 27



MINER
JANARIDENDA
Denda ixten
dugu.
Likidazioak otsailaren
20tik aurrera.

Hainbat tresna salgai:
- Mural frigorifikoa
(motorra kanpoan dijoana)
- Arkoi Konjeladore bat
- Kortadora
- 2 pixu (1000 PLU memoriarekin)
- Zintzilikatzen den pixua
- Estanteriak egurra, isplua eta
argiarekin eta normala argiarekin

INFORMAZIO GEHIAGO
943 55 01 36 - 699 82 91 98



ALBERRO SAGARDOTEGIA

Sagardo
Naturala
tolare
Hernaniko
sagardoa

943 550019
Santa Barbara
auzoa, 61



Sagastialdeko karretera ondoko berdinunean ari dira montatzen karpa.

Sagastialden 10.000 pertsonentzako karpa montatzen ari dira Sagarrondotik jaialdirako

■ Karpa, janari postua, txosnak, komunak eta bizilagunak babesteko bailatua montatuko dituzte, besteak beste ■ Kontzertu egunetan 450 pertsona arituko dira lanean.

SAGARRONDOTIK jaialdiak ostiral eta larunbat honetan Hernanin eskainiko ditu kontzertuak eta Sagastialde auzoan prestatzen ari dira halako jaialdi haundiak beharrezkoak dituen azpiegiturak.

Sagastialden 10.000 pertsonentzako karpa montatzen ari dira eta horrekin batera, txosnak eta komunak montatuko dituzte. Janari postua ere prestatzen ari dira eta bertan bokadilo eta oilaskoak

egongo dira salgai, besteak beste. Sagardoa ere ez da faltako eta kupeletatik edan ahal izango da gainera. Kontzertuaren eremu guztia bailatua egongo da, bizilagunen terenoak babestearren eta Sagastialdeko karretera irekita egongo da goizeko 08:00etatik gaueko 20:00etara. Kontzertu egunetan 450 pertsona egongo dira lanean eta antolatzaileek adierazi dute lana egin nahi duen jendea ongi etorria izan-

go dela.

Sarrerei dagokionean momentuz 3.000 bat sarrera saldu dituzte eta ostirala bitartean Hernanin bakarrik erosi daitezke sarrerak. Hortik aurrera takillan erosi ahal izango dira eguneko 18 eurotan. Takillan 3.000 sarrera salduko dituzte arduradunek Kronikari esan diotenez. Takillak 20:00etan irekiko dira eta karpa 21:30etan. Autoentzako Parkinak seinalizatuak egongo dira. □

Ezker Abertzaleak ekitaldi politikoa gaur

EZKER Abertzaleak ekitaldi politikoa egingo du gaur osteguna Biterin *Espainiari ez, autodeterminazioa* lemarekin. Ekitaldian errepresioa eta erasoak jasan dituzten pertsonak eta kolektiboak hartuko dute

parte. Hernaniko Ezker Abertzaleak adierazi du "Espainiari ez eta Euskal Herriari bai esateko" garaia dela. Ekitaldian hauteskunde kanpainako nondik norakoak ere aurkeztuko dira. Gaur 20:00etan Biterin. □

■ HITZ BITAN

✓ HERNANI INSTITUTUA

Gurasoentzako ikastaroan izen ematea. Hernani Institutuak gurasoentzat ikastaro berezia antolatu du seme-alaben partehartzea eta ardura lantzeko bideak emateko, eta gaur da izena emateko azkeneko eguna. Interesatuak 943 551958 telefonora deitu. Ikastaroak lau helburu ditu: 1) Lanean eta familia bizitzan seme alabak parte hartzea motibatzeko estrategiak landu, 2) gurasoen komunikaziorako gaitasuna eta jarrerak hobetu elkarkidetzan eta errespetuan oinarritutako bizimodua hobetzeko, 3) familiako erantzukizunen desarroluan oinarritutako autoritatea eta demokrazia baloreak bultzatu, eta 4) erantzukizuna lortu nahi denean eguneroko egoera konfliktiboei konstruktiboki aurre egiten ikasi. Ikastaroa astelehen arratsaldeetan da eta martxoaren 1ean hasiko da.

✓ INAUTERIAK

Zozketako emaitzak. Unai Konpartsak errifak atera zituen inauterietan eta hauek dira zenbaki sarituak: Erlojurako, 0092; urdai azpikorako, 0857; eta DVDrako, 0548. Tokatu zaienak deitu 943 332271 telefonora. Gaurtik hasita hamabost egun daude sariak jasotzeko.

✓ ZINE KLUBA BITERIN

'Los abajo firmantes', gaur 22:00etan. Ostegunetako zine klubaren barruan, *Los abajo firmantes* pelikula botako dute gaur. Federico Garcia Lorcaen *La comedia sin titulo* lana herriz herri antzezten dabiren teatro konpainia baten istorioa da.

✓ KIROLDEGIKO FRONTOIA

Frontoian ordua hartzeko zozketa gaur. Kiroldegiako frontoia alokatzeko zozketa egingo da gaur 19:30etan kiroldegiako bulegoetan. Izena ematea herenegun bukatu zen eta orain zozketa egitea falta da. Zozketatzen diren orduak arratsaldeko 19:00etatik 21:45etara bitartekoak dira eta frontoia urte osorako hartzen da.

✓ 3/4 PLATAFORMA

Kontzentrazioa gaur. Hirulaurden plataformak kontzentrazioa deitu du gaur 19:00etan Plaza Berrian, zigorraren hiru laurdenak bete dituzten preso hernaniarrak libre uztea eskatzeko.

✓ AMHER ELKARTE MULTIKULTURALA

Bilera bihar. AMHER elkarteak hamabosteroko bilera egingo du bihar, 19:30etan Biterin. Bilerak irekiak dira.

✓ KIXKAL TABERNA

Javi Ruizen emanaldia gaur. Kixkal tabernan Javi Ruizen emanaldia izango da gaur, gaueko 22:00etatik aurrera. Gitarra jo, kantatu, txistek kontatu eta abar egingo du Ruizek.

✓ ASTIGARRAGA

Bachata eta Salsa dantza tailerra. Astigarragako kultur etxean Bachata eta salsa dantza tailerra egingo dute larunbat gauean, 23:00etatik 01:00etara. Tailerra 16-30 urte bitartekoei dago zuzendua eta izena kultur etxean eman behar da. Prezioa, 3,5 euro inguru. □

ESKOLA KIROLA ASTEBURUKO EMAITZAK



Urumea eta Langile ikastoletako waterpoloko ekiopak.

Pelota	Taldeak	Emaitza
Alebin M uti	Langile D -Elizabeg A	0-4
Alebin M uti	Txintra-Langile	3-5
Bolabolak		
Infantilesk	Langile-Lizeotanak	3-0
Kadete mut	Lizardi-Im acubada	0-3

ESKOLA arteko waterpolo partiduak izan ziren pasa den astebukaeran Hernaniko kiroldegi-ko igerilekuan. Infantil eta kadete mailan 4 partidu jokatu ziren eta bertan izan ziren, Langile, Urumea Hernaniko ikastetxeak eta Amara, Altza eta Herri Ametsako ikasleak. □

OSTEGUN, LARUNBAT ETA IGANDEAN JAIALDIK
GAUR 16:00ETATIK AURRERA
ERREMONTA JAIALDIA:

1. part.: Uterga - Agirrezabala / Matxin III - Ion
2. part.: Ezkurra - J.Etxeberria / Altuna I - Lizaso
3. part.: Zeberri II - Urko / Altuna II - Etxabe
4. part.: Sarasua - Badiola / Agirresarobe - Olazar

ETXE ONENAK. S.A.

GARAJE ITXIAK

"OBLATOS" ETAN SALGAI

Informatu eta saldu:
☎ 943 33.22.37

ZERBITZUAK

☎ TELEFONOAK	☎ FARMAZIAK
☎ Taxiak: 943 550093	☎ Eguez: Gomez Justel
☎ Udaltzaingoa: 943 333288	Kale Nagusia 14
☎ DYA: 943 464622	☎ 943 554892
☎ Autobusak: 943 556662	☎ Guez: Gorospe
☎ Anbulatorioa: 943 006666	Andoain. Rikardo Arregi 12
☎ Jokalari anonimoak: 943 331103	☎ 943 592415

IRAGARKI MERKEAK

Inigo Royo Masajista. Masajea, naturopatia, akupuntura, ajuste neurologiko eta bertebra, reflexologia, auriculoterapia, ...: 943 33 28 94 - 626 80 76 33 (Sta Barbara 42)

Pisua salgai Elkano kalean. 3 logela, sukaldia, sala, komona, trastero txikia... Erabat amueblatua. Prezioa: 222.375 euro. Deitu: 699 46 14 90

Pisua salgai Etxeberrin. Deitu: 943 55 28 82 - 943 33 09 48

Pisua salgai zentroan. 80 m2, 3 gela, sala, sukaldia eta komuna. Kanpoaldera eta igogailua du. Konpontzeko. 180.303 euro (30.000.000 pza). Ez deitu agentziek. 943 277743